

KNF - Hua II për NVM - NLB Banka Prishtina

Lokacioni:	KOSOVË
ID e Projektit:	56783
Sektori i biznesit:	Kredi depozitare (banka)
Lloji i Njoftimit:	PRIVAT
Kategoria Mjedisore:	FI
Data e aprovimit:	09 shtator 2025
Statusi:	Aprovimi në shqyrtim
Data e shpalosjes në anglisht:	11 shtator 2025

Sipas seksionit 1.4.2 (iii) të Direktivës për Qasjen në Informacion: “Për projektet e miratuara nga menaxhmenti i Bankës ku Bordi i Drejtorëve ka deleguar autoritetin për aprovim, DPP do të shpaloset në fillim të periudhës përkatëse të njoftimit për asnjë kundërshtim për një vend anëtar të Bankës në përputhje me nenin 13 (iii) të Marrëveshjes për Themelimin e BERZH-it.”

Përshkrimi i projektit

Një hua senior e pasiguruar deri në 15 milionë euro që do t'i ofrohet NLB Banka Prishtina (NLBP) në kuadër të Kornizës për Ndërmjetësit Financiarë (KNF) për kreditim të mëtutjeshëm për ndërmarrje të vogla dhe të mesme (NVM) në Kosovë.

Objektivat e Projektit

Të ardhurat nga huaja do të përdoren për ofrimin e kredive për NVM të pranueshme në Kosovë, në përputhje me Deklaratën e Politikave të KNF-së, duke promovuar kështu ndërmarrësinë dhe duke nxitur konkurrueshmërinë e NVM-ve duke rritur disponueshmërinë e financimit. Veç kësaj, NLBP-ja do të synojë të ndajë të paktën 50% të të ardhurave nga huaja për kredi të gjelbra në përputhje me kriteret e pranueshmërisë për Tranzicionin e Ekonomisë së Gjelbër (GET) të BERZH-it.

Ndikimi i Tranzicionit

Poentimi ETI: 60

Projekti kontribuon në objektivat e KNF-së, duke mbështetur cilësitë e Ndikimit të Tranzicionit si **Konkurrues** dhe **Rezilient**:

Konkurrues: Projekti do të kontribuojë në ndërtimin e një sektori financiar më konkurrues duke rritur kreditimin e NLBP-së për NVM-të në pronësi private në Kosovë, me fokus në shtrirjen rajonale dhe tërheqjen e klientëve të rinj.

Rezilient: Projekti do të kontribuojë për reziliencën e sektorit financiar duke siguruar praktika të kujdesshme kreditimi dhe cilësi të përshtatshme të portofolit.

Informata për Klientin

NLB BANKA SHA

NLB Banka sh.a. NLB Banka Prishtina ose NLBP është klient afatgjatë i BERZH-it dhe banka e dytë më e madhe komerciale në Kosovë me një pjesë të tregut prej 17% sipas totalit të asetëve dhe 17.6% sipas kredive neto në vitin 2024. NLBP ofron një gamë të gjerë të produkteve bankare komerciale për të gjitha segmentet e klientëve, me fokus në kreditimin e NVM-ve dhe korporatave, si dhe me prani të fortë në segmentin e shitjeve me pakicë me kredi hipotekare.

Përmbledhja e Financimit të BERZH-it

15,000,000.00 EURO

Gjithsej Kosto të Projektit

15,000,000.00 EURO

Shtueshmëria

Shtueshmëria arrihet duke ofruar financimin e nevojshëm afatgjatë në formën e një huaje senior që nuk është lehtësisht e disponueshme në tregun lokal.

Përmbledhja Mjedisore dhe Sociale

I kategorizuar FI (PMS 2014). NLB Banka Prishtina, një klient ekzistues i BERZH-it, ka demonstruar performancë të kënaqshme mjedisore dhe sociale (MS) sipas ekspozimeve të veta aktuale. Të ardhurat do të përdoren për kreditim të mëtutjeshëm për ndërmarrje të vogla dhe të mesme në Kosovë për kredi të pranueshme (konkurrueshmëri dhe teknologji të gjelbra). Nga këto nënprojekte pritet të bartin risk MS të ulët deri në të mesëm, kryesisht të lidhur me aftësinë e klientit për të zbatuar Sistemin e vet për Menaxhimin Mjedisor dhe Social (SMMS) dhe ndikimet e mundshme që rrjedhin nga kreditë e financuara. Kujdesi i duhur për MS është ndërmarrë përmes një shqyrtimi të

raportit më të fundit vjetor për MS të klientit. NLB Banka Prishtina e ka një SMMS të vendosur në përputhje me profilin e riskut të nënprojekteve. Banka do ta mirëmbajë SMMS-në e vet për t'i vlerësuar, menaxhuar dhe monitoruar në mënyrë efektive risqet dhe ndikimet MS; politikat e burimeve njerëzore (BNj); mekanizmat e brendshëm për ankesa; dhe procedurat për shëndetin dhe sigurinë në punë (SHSP), në përputhje me Kërkesat Mjedisore dhe Sociale (KMS) 2, 4 dhe 9 të BERZH-it sipas Politikës Mjedisore dhe Sociale (PMS) të vitit 2024. Këtu përfshihet pajtueshmëria me Listën e BERZH-it për Përrjashtimet për MS dhe përputhshmëria me udhëzimet relevante të BERZH-it për institucionet financiare. Të gjithë nën-huamarrësit e financuar nga NLB Banka Prishtina duhet të jenë në pajtueshmëri me ligjet nacionale në fuqi për mjedisin, çështjet sociale, shëndetësore, të sigurisë dhe të punës. NLB Banka Prishtina do t'i dorëzojë BERZH-it raporte vjetore për MS, duke detajuar zbatimin e SMMS-së, pajtueshmërinë me kërkesat e BERZH-it, rezultatet e shqyrtimit të nënprojekteve dhe çdo incident material MS. Nga Banka kërkohet edhe të shpalosë publikisht informacionin mbi SMMS-në e vet në përputhje me PMS 2024.

Bashkëpunimi Teknik dhe Financimi me Grante

Asnjë.

Informatat e Kontaktit të Kompanisë

Visar Kabashi

visar.kabashi@nlb-kos.com

+383 (0)38 744 045

www.nlb-kos.com

Rr. Ukshin Hoti nr. 124, 10000 Prishtinë, Kosovë

Përditësimi i fundit i DPP-së

12 shtator 2025

Ndikimi në Tranzicion

Për informacion të mëtejshëm lidhur me qasjen e BERZH ndaj matjes së ndikimit në tranzicion mund të lexoni [këtu](#).

Mundësitë e biznesit

Për mundësitë për biznes ose prokurim, kontaktoni shoqërinë kliente.

Për mundësi biznesi me BERZH (që nuk lidhen me prokurimin) kontaktoni:

Tel: +44 20 7338 7168

Email: projectenquiries@ebrd.com

Për projektet në sektorin shtetëror, vizitoni [Prokurimet e BERZH](#):

Pyetje të përgjithshme

Mund të bëni pyetje specifike duke përdorur [Formularin e pyetjeve të BERZH-it](#).

Politika Mjedisore dhe Sociale (PMS)

[PMS](#) dhe Kriteret e Performancës (PR) përcaktojnë mënyrën se si BERZH zbaton angazhimin e saj për promovimin e “zhvillimit të shëndetshëm dhe të qëndrueshëm mjedisor”. PMS dhe PR përfshijnë dispozita specifike në mënyrë që klientët të veprojnë në përputhje me kërkesat e zbatueshme të legjislacionit kombëtar për informacionin dhe këshillimin publik, si dhe të ngrenë mekanizmat e ankimit për të adresuar dhe lehtësuar zgjidhjen e shqetësimeve dhe ankesave të palëve të interesit, veçanërisht sa i përket përgjegjësisë mjedisore dhe sociale të klientit dhe projektit. Në raport të drejtë me natyrën dhe shkallën e riskut dhe ndikimit mjedisor dhe social të projektit, BERZH i kërkon klientëve të publikojnë gjithashtu informacion, sipas rastit, mbi risqet dhe ndikimet e projektit ose të kryejnë këshillime gjithëpërfshirëse me palët e interesit dhe të marrin në konsideratë e t'i përgjigjen reagimit të tyre.

Më shumë informacion mbi praktikatat e BERZH në këtë aspekt jepet në [PMS](#).

Integriteti dhe Përputhshmëria

Zyra e Krye Oficerit të Përputhshmërisë (OCCO) së BERZH promovon qeverisjen e mirë dhe siguron zbatimin e standardeve më të larta të integritetit në të gjitha veprimtaritë e Bankës, në përputhje me praktikatat më të mira ndërkombëtare. Të gjithë klientëve e Bankës duhet t'u nënshtrohen kontrolleve të integritetit për t'u siguruar që projektet nuk paraqesin rrisqe të papranueshme integriteti apo reputacioni për Bankën. Banka beson se identifikimi dhe zgjidhja e problematikave gjatë fazave të vlerësimit për miratimin e projektit, është mënyra më efikase për të siguruar integritetin e transaksioneve të Bankës. OCCO luan rol kyç në këto përpjekje mbrojtëse dhe gjithashtu ndihmon me monitorimin e rreziqeve ndaj integritetit në fazën e pas investimit në projekt.

OCCO është gjithashtu përgjegjëse për verifikimin e akuzave për mashtrim, korrupsion dhe shkelje në projektet e financuara nga BERZH Kushdo, qoftë pjesë apo jo e Bankës, që ka dyshime prr praktika mashtrimi apo korruptive duhet të paraqesë një raportim me shkrim në adresë të Krye Oficerit të Përputhshmërisë përmes postës elektronike tek compliance@ebrd.com. Të gjitha çështjet e raportuara do të ndiqen nga OCCO. Të gjitha raportimet, përfshirë ato anonime, do të shqyrtohen. Raportimet mund të bëhen në çfarëdolloj gjuhe të Bankës apo të vendeve ku Banka vepron. Informacioni i dhënë duhet të jepet në mirëbesim.

Politika e Qasjes në Informacion (PQI)

PQI përcakton mënyrën se si BERZH e shpalos informacionin dhe këshillohet me grupet e interesit për të nxitur ndërgjegjësimin dhe të kuptuarit më të mirë të strategjive, politikave dhe operacioneve të veta pas hyrjes në fuqi të saj më 1 janar 2020. Ju lutemi vizitoni faqen e [Politikës së Qasjes në](#)

[Informacion](#) për t'u informuar mbi informacionin e disponueshëm në faqen e BERZH.

Kërkesat për informacion të veçantë mund të bëhen duke [përdorur Formularin e pyetjeve të BERZH](#).

Mekanizmi i Pavarur për Përgjegjësinë ndaj Projektit (MPPP)

Nëse përpjekjet për të trajtuar shqetësimet mjedisore, sociale, apo të bërjes publike me Klientin apo Bankën nuk kanë rezultat (p.sh., përmes mekanizmit të ankimimit në nivel projekti të Klientit, ose përmes kontaktit të drejtpërdrejtë me ekipin drejtues të Bankës) individët dhe organizatat mund t'i trajtojnë shqetësimet e tyre përmes Mekanizmit të Pavarur për Përgjegjësinë ndaj Projektit (MPPP) të BERZH.

MPPP shqyrton në mënyrë të pavarur problematikat e Projektit që mendohet se kanë (ose mund të shkaktojnë) dëme. Qëllimi i mekanizmit është të: mbështesë dialogun midis palëve të interesit të Projektit për të zgjidhur problematikat mjedisore, sociale dhe të publikimit të informacionit; të përcaktojë nëse Banka vepron në përputhje me [Politikën Mjedisore dhe Sociale](#) apo dispozitat specifike për Projektin të [Politikës së Qasjes në Informacion](#); dhe nëse gjen zbatim të trajtojë çdo devijim nga këto politika, duke parandaluar kështu edhe cdo devijim apo mospërputhje nga ana e Bankës në të ardhmen.

Ju lutem vizitoni faqen e webit për [Mekanizmin e Pavarur për Përgjegjësinë ndaj Projektit](#) për të mësuar më shumë mbi MPPP dhe misionin e tij; si dhe për të [dërguar një kërkesë](#) për rishikim; ose për të kontaktuar MPPP përmes emailit ipam@ebrd.com për më shumë informacion dhe udhëzime mbi mekanizmin dhe dërgimin e kërkesave.